



Protokoll frå fellesrådsmøte 9. september 2021

- Desse møtte: Ellen Brautaseth Vatne (*leiar og repr. frå Ikornnes sokneråd*)
Birgitte J.S. Bonesmo (*kommunal repr.*)
Torbjørn Støylen (*nestleiar og repr. frå Sykkylven sokneråd*)
May Lisbeth Hovlid Aurdal (*vararepr. frå Sykkylven sokneråd*)
Svein Runde (*geistleg repr.*)
Arild Sporsheim (*kyrkjeverje/dagleg leiar*)
- Forfall: Therese Kristin Utgård (*repr. frå Sykkylven sokneråd*)
Bergljot Hjortdal (*repr. frå Ikornnes sokneråd*)

F-sak 15/21 Godkjenning av innkalling og saksliste

Vedtak:

Godkjent utan merknad.

Vedtaket var einstemmig, 5 røyster for.

F-sak 16/21 Protokoll frå fellesrådsmøte 20. mai 2021

Rådsmedlem May Lisbeth Hovlid Aurdal støttar protokolltilførselen frå rådsmedlem Therese Utgård Aas i F-sak 11/21 Årsrapport 2020 om å vurdere om ein i framtida skal knytte årsrapporten/-meldinga opp mot visjonsdokumentet for Den norske kyrkja.

Vedtak:

Godkjent utan merknad.

Vedtaket var einstemmig, 5 røyster for.

F-sak 17/21 Protokoll frå fellesrådsmøte 24. juni 2021

Vedtak:

Godkjent utan merknad.

Vedtaket var einstemmig, 5 røyster for.

F-sak 18/21 Gjennomgang av rekneskapet

Rekneskapet pr. 31.07.2021 er gjennomgått i økonomiutvalet i forkant av dette møtet og rapporten var utsendt saman med innkalling og saksliste. Rekneskapsrapporten pr. 31.08.2021 vart utdelt i møtet og viser eit periodisert meirforbruk på om lag kr. 350 000,-, mot om lag kr. 200 000,- i mindreforbruk pr. 31.08.2020.

Hovudårsaken til det periodiserte meirforbruk så lang i år er manglande overføring av kommunalt investeringstilskot på kr. 300 000,-. Dette reknar vi med å ha mottatt innan kort tid. Elles har vi ingen sjukmeldingar eller vakansar i dei fellesrådsfinanserte stillingane, i



DEN NORSKE KYRKJA

Sykkylven kyrkjelege fellesråd

motsetning til fjoråret der det var eit markant mindreforbruk på grunn av langtidsjukmeldingar.

Kyrkjeverjen la også fram ei oversikt (sjå tabellen nedanfor) over kommunalt driftstilskot 2013-2021 som mellom anna viser den store fordelingsendringa av samla driftstilskot til gravplassmyndigheita. I 2013 gjekk 14,4% av samla kommunalt driftstilskot til gravplassmyndigheita og har gradvis endra seg til no å være på heile 25% i 2020 og 24,65% i 2021. Dette inneber ein kraftig reduksjon i kommunalt tilskot til trussamfunnet Den norske kyrkja (Dnk). Driftstilskotet til Dnk var kr. 3 106 400,- i 2013 og kr. 3 268 500,- i 2021, dette etter at kommunestyret i 2020 vedtok: «Budsjettramma for Sykkylven kyrkjelege fellesråd vert styrka med kr 150.000 for 2021 i driftstilskot.»




DEN NORSKE KYRKJA

Sykkylven kyrkjelege fellesråd

Kyrkjeverjen

Kommunalt driftstilskot 2013-2021



MERKNAD: Konsumprisindeksen viser at kr. 3 106 400,- til Dnk i 2013 = kr. 3 634 391,- i 2020 (www.ssb.no)

Medlemstal frå www.register.kirken.no

Medlemmar i Dnk:	6395	6324	6267	6198	6159	6074	6013	5979	
Kr. Dnk pr. medlem:	486	464	493	512	516	523	545	522	

Nøkkeltal frå SSB:

1525 Stranda:		762	817	843	903	936	984	
1528 Sykkylven:		509	522	536	518	533	577	
1531 Sula:		546	549	540	531	556	575	
1535 Vestnes:		643	662	700	721	740	784	

Vedtak:

Fellesrådet tok det til vitande.

Vedtaket var einstemmig, 5 røyster for.

Postadresse:
Kyrkjevegen 24
6230 Sykkylven

Besøksadresse:
Kyrkjekontoret
Kyrkjevegen 24
6230 Sykkylven

Tlf.: 70 24 69 00 / 996 29 130
E-post: post@sykkylven.kyrkja / kyrkjeveije@sykkylven.kyrkja
Heimeside: www.sykkylven.kyrkja.no
Org. nr.: 976997298 Kontonr.: 4045.30.34315



DEN NORSKE KYRKJA

Sykkylven kyrkjelege fellelsråd

F-sak 19/21 Kommunalt driftstilskot 2022 til Den norske kyrkja. Kommunalt driftstilskot 2022 til gravplassmyndigheita.

Kyrkjeverjen orienterte om budsjettbehandlinga i økonomiutvalet og om dei to forslaga til kommunalt driftstilskot 2022.

Todelt rammetilskot

Viser til KST – 100/20 der kommunestyret vedtok kommunedirektørens framlegg om å vedta to ulike driftstilskotspostar: Kyrkjeleg fellelsråd og Kyrkjegarden (gravplassen), samt vedtak om investeringstilskot til Kyrkjeleg fellelsråd. Med andre ord mottok Sykkylven kyrkjelege fellelsråd eigne kommunale tilskot på vegne av trussamfunnet Den norske kyrkja i Sykkylven og eige kommunalt tilskot på vegne av gravplassmyndigheita i Sykkylven.

Lovpålagte oppgåver

1. Kommunens lovpålagte finansieringsansvar til Den norske kyrkja er nedfelt i Lov om tros- og livssynssamfunn (trossamfunnslova), endra frå «kyrkjelova». Sjå eige avsnitt nedanfor.
2. Kommunens lovpålagte finansieringsansvar til gravplassmyndigheita/gravplasstyresmakta er nedfelt i Lov om gravplasser, kremasjon og gravferd (gravplassloven). Sjå eige avsnitt nedanfor.

1. Kyrkjelova erstatta med Trussamfunnslova

Lov om Den norske kyrkja (kyrkjelova) frå 07.06.1996 vart oppheva og erstatta med Lov om tros- og livssynssamfunn (trossamfunnslova) den 01.01.2021. Jf. §1 er formålet med lova å understøtte trus- og livssynssamfunn. Den nye lova er inndelt i fire kapittel der kapittel 2 ikkje gjeld Den norske kyrkja, mens kapittel 3 berre gjeld for Den norske kyrkja.

Kommunens lovpålagte finansieringsansvar er nedfelt i trossamfunnslova § 14:
(henta frå www.lovdata.no den 30.08.2021)

§ 14. Finansiering av Den norske kirke

Staten gir tilskudd til prestatjenesten og kirkens virksomhet nasjonalt og regionalt. Staten kan også gi tilskudd til andre kirkelige formål.

Kommunen gir tilskudd til kirkens virksomhet lokalt, herunder tilskudd til bygging, vedlikehold og drift av kirkebygg. Tilskuddet skal sikre at kirkebyggene holdes i forsvarlig stand, slik at de kan benyttes til gudstjenester og kirkelige handlinger. Tilskuddet skal også sikre at soknet har tilfredsstillende bemanning ved gudstjenester og kirkelige handlinger, herunder kirketjener, klokker og organist/kantor ved hver kirke, og tilstrekkelig administrativ hjelp. Kommunens tilskudd gis etter budsjettforslag fra soknet. I budsjettforslaget skal også tilskudd til kirkelig undervisning, diakoni og kirkemusikk inngå.

Etter avtale med soknet kan kommunen yte tjenester i stedet for å gi tilskudd etter andre ledd.



DEN NORSKE KYRKJA

Sykkylven kyrkjelege fellesråd

Kommunen kan ta opp lån for å finansiere investeringer i kirkebygg og tilhørende varige driftsmidler.

Bestemmelsene i [§ 6](#) gjelder tilsvarende for Den norske kirke.

Regnskapsloven gjelder for regnskapet til rettssubjektet Den norske kirke og for regnskapet til soknet, med mindre departementet har fastsatt annet i forskrift.

Et sokn kan ikke tas under konkursbehandling eller begjære åpning av gjeldsforhandlinger etter konkursloven.

2. Gravplasslova

Lov om gravplasser, kremasjon og gravferd (gravplassloven) regulerer gravplassmyndigheita/gravplasstyresmakta og kommunens ansvar.

Kommunens lovpålagte finansieringsansvar er nedfelt i gravplasslova § 3:
(henta frå www.lovdata.no den 30.08.2021)

§ 3. Gravplassmyndigheten og kommunens ansvar.

Gravplassmyndigheten har ansvaret for at gravplasser og bygninger på gravplasser forvaltes med orden og verdighet og i samsvar med gjeldende bestemmelser.

Utgifter til anlegg, drift og forvaltning av gravplasser utredes av kommunen etter budsjettforslag fra soknet. Etter avtale med soknet kan kommunen yte tjenester i stedet for å gi tilskudd.

Kommunen kan ta opp lån for å finansiere investeringer i gravplasser og tilhørende varige driftsmidler.

0 Endret ved [lover 26 aug 2011 nr. 40](#) (ikr. 1 jan 2012 iflg. [res. 26 aug 2011 nr. 866](#)), [24 april 2020 nr. 31](#) (i kraft 1 jan 2021 iflg. [res. 24 april 2020 nr. 855](#)).

Hovudpunkta i budsjettforslaget

1. Justert for løns- og prisvekst

Budsjettforslaget til Den norske kyrkja og budsjettforslaget til gravplassmyndigheita/-styresmakta er begge justert for 2,5% løns- og prisvekst av fjorårets budsjettforslag.

2. Tilskot til diakoni

Nytt av året, og i lys av trussamfunnslova § 14, har vi i dette budsjettforslaget berekna kommunal finansiering av 0,4 årsverk (= halve lønnskostnadane) til den allereie etablerte diakonstillinga i Sykkylven-Ikornnes. Den andre halvdelan av lønnskostnadane blir finansiert av statleg tilskot via Møre bispedøme. Aktivitetskostnadane, utgifter til kontorhald m.m. blir dels finansiert av avsette fondsmidlar, gåver og innsamlingar, samt sponsorar/samarbeidspartnarar



og andre tilskotsordningar ein kan søke på.

3. Udekka underskot - avvik mellom budsjettforslag og kommunalt tilskot

I åra 2011 til 2017 opparbeide Sykkylven kyrkjelege fellesråd (SKF) seg eit udekka underskot på om lag kr. 400.000,-, men grunna ulike tiltak og vakansar er dette no redusert kr. 6 480,- ved inngangen til år. 2021. Likviditeten til SKF var oppretthaldt i kraft av lån frå sokneråda. SKF presenterer difor det udekka underskotet som eit disposisjonsfond med negativ saldo. Dette ved at vi har lånt eit tilsvarande beløp frå Ikornnes sokneråd og Sykkylven sokneråd sine fond med innsamla midlar.

Årsaka til dei økonomisk positive årsresultata i 2018, 2019 og 2020 skyldast i hovudsak 2 store tiltak, samt midlertidig reduserte lønnsutgifter grunna sjukmelding, vakanse og lav aktivitet.

- **Konsekvensen av Tiltak 1 = kutt i stillingar frå 1,8 årsverk til 1,15 årsverk**
- **Konsekvensen av Tiltak 2 = kutt i vedlikehaldet av kyrkjene**

Tiltak 1

Det første tiltaket omhandlar eit beløp på kr. 150 000,- for 25% lønn til ungdomsarbeidar som vart fjerna frå budsjettforslaget frå og med år 2018. Sokneråda måtte difor bære desse kostnadane sjølve, av innsamla midlar og auka fokus på gjevarteneste og andre innsamlingar. Ungdomsarbeidet er eit av satsingsområda til kyrkja og i samband med dette hadde vi fram til år 2017 fordelt ein del av det kommunale rammetilskotet til 25% løn av Ungdomsarbeidar. Denne fordelinga har si historie tilbake til kommunens og politikaranes konkrete tiltak for å førebygge nye tilfelle av overdose blant bygdas ungdomar. Av ulike arbeidsoppgåver til denne ungdomsarbeidaren kan nemnast; Open Storhall, Alternativ Rus(s) og MOT Sykkylven. Utfordringa for Sykkylven kyrkjelege fellesråd var at desse midlane ikkje var «friske» pengar gitt som ekstra løyving, men som var baka inn kommunens rammetilskot til drift av administrasjon, kyrkjer og gravplass. Her viser vi til fleire møter med økonomisjef Bergstrøm og tidlegare rådmann Lillestøl og dåverande rådmann Molvær Grimstad med melding om at SKF ikkje var forplikta til å overføre dette beløpet til sokneråda. Vi viser også til at dette ikkje er ei lovpålagt oppgåve for Sykkylven kyrkjelege fellesråd.

Tiltak 2

Det andre tiltaket omhandlar at vi berre brukte kr. 114 903,- av investeringstilskotet på kr. 300 000,- for 2018. Dette er om lag kr. 90 000,- lågare enn den budsjetterte målsettinga. SKF budsjetterte altså med ein redusert bruk som tiltak for å redusere det opparbeida underskotet på kr. 378 502,- ved inngangen til 2018. Vi viser til manglande utbetaling av investeringstilskot 2016 som mandat for å gjere dette. Utfordringa er at utsetting av viktige investerings- og vedlikehaldsprosjekt gir uheldige konsekvensar både for den daglege drifta og ved å kunne forverre tilstanden på kyrkjebygga.

Reduserte lønnsutgifter

Dei reduserte lønnskostnadane i 2019 var på om lag kr. 100 000,- grunna langtidssjukmelding og vakanse. I 2020 var reduksjonane på heile kr. 228.413,- som følge av fleire langtidssjukmeldingar med svært reduserte vikarkostnadar grunna pandemiens avgrensingar på aktivitet.



DEN NORSKE KYRKJA

Sykkylven kyrkjelege fellesråd

4. Uløna/frivillige medarbeidarar

Dei lovpålagte oppgåvene til Sykkylven kyrkjelege fellesråd er prega av uløna/frivillige medarbeidarar. Klokkefunksjonen, jf. trussamfunnslova § 14, blir ivarettatt av frivillige medarbeidarar. Og i 4 år, frå 2014-2018 hadde vi også ein frivillig økonomi-medarbeidar i om lag 20% stilling. Mange ulike bygg og vedlikehaldsprosjekt har, og blir, også gjennomført dels med bruk av frivillige/uløna medarbeidarar, samt ulike lag og organisasjonar.

5. Soknerådsfinansierte investeringar/prosjekt

Vidare er forvaltninga og drifta av kyrkjene også i sterk grad prega av økonomiske bidrag frå både Ikornnes sokneråd og Sykkylven sokneråd. Samla sett for åra 2014-2020 utgjer dette så mykje som kr. 2 788 000,- (jf. vedlegg 3-9). Dette gir seg direkte utslag i kyrkjenes både utsjånad og funksjonalitet.

6. Kyrkjene som kulturbygg

Kyrkjene i Sykkylven-Ikornnes er i stor utstrekning brukt til konsertar og andre kulturelle arrangement, både av lokale og utanbygds kor, korps, musikarar og songarar. Vi kan også mellom anna vise til godt samarbeid med kultureining i kommunen, med skular, barnehagar og ikkje minst dei ulike kor og korps i bygda. P.t. øver desse kora fast ein gong i veka i kyrkjene: Sykkylven Gospelkor, Velledalskoret og Hundeidvik blandakor. Dette i tillegg til dei ulike barne- og ungdomskora i regi av kyrkja sjølv.

7. Kyrkja som viktig diakonal aktør i folkehelsearbeidet

Som dei ulike punkta ovanfor også viser har svært mange av kommunens innbyggjarar ulike tilknytningar og relasjonar til kyrkja sitt arbeid. Diakoni-/omsorgsarbeidet, verdiformidlinga, trusopplæringsarbeidet, tenestetilbodet og fellesskapsbygginga er ulike eksemplar på kyrkja sin innsats for direkte eller indirekte å fremme befolkningas sjølvkjensle, helse og trivsel. Dette kan seiast å være viktige faktorar i det førebyggjande arbeidet, men som i utgangspunktet er vanskeleg å måle/talfeste.

Vedtak:

Sykkylven kyrkjelege fellesrådet (SKF) gjorde i F-sak 19/21 vedtak om eit todelt budsjettforslag på kr. 1 234 222 i kommunalt driftstilskot til SKF på vegne av den kommunale gravplassforvaltninga og kr. 3 960 670,- i kommunalt driftstilskot til SKF på vegne av Den norske kyrkja i Sykkylven-Ikornnes.



DEN NORSKE KYRKJA

Sykkylven kyrkjelege fellesråd

Avdelingsvis fordeling av budsjettforslag til kommunale driftstilskot 2022

jf. F-sak 19/21

Kommunale driftstilskot for 2022:	Gravplassmyndigheita	kr	1 234 222	
	Den norske kyrkja	kr	3 960 670	kr. 288860,- i tillegg for halve lønnskostnadane til diakon (=0,4 drsverk)
	Totalt	kr	5 194 891	

1. Avd. 43 - Drift gravplass (eige driftstilskot)
2. Avd. 42 - Drift kyrkjer (Den norske kyrkja)
3. Avd. 41 - Drift administrasjon (Den norske kyrkja)

Samla månadleg driftstilskot:	Ant. mnd.:	Samla tilskot:	Administrasjon			Kyrkjer			Gravplass		
			Avd. 41:			Avd. 42:			Avd. 43:		
			Konto 18300			Konto 18300			Konto 18300		
kr	432 908	kr	12	kr	5 194 891	kr	107 094	kr	222 961	kr	102 852
Årstotal:			kr	5 194 891	kr	1 285 133	kr	2 675 536	kr	1 234 222	

Vedtaket var einstemmig, 5 røyster for.

F-sak 20/21 Høyring av endringar i gravplasslova og gravplassforskrifta

Kyrkjevevjen orienterte om gravplassutvalets arbeid med å utarbeide høyringsforslaget som var lagt ved som saksframlegg i innkallinga til dette møtet.

Vedtak:

Fellesrådet vedtok høyringsforslaget som var utarbeida og framlagt av gravplassutvalet.

Vedtaket var einstemmig, 5 røyster for.

Orienteringssaker:

- Vedr. F-sak 14/21 Førebuande klagesakhandsaming, vedlegg 7
- Tilslutningsavtale om felles personvern- og informasjonssikkerheitsarbeid i Den norske kyrkja, vedlegg 8
- Regionalt allmøte den 22. september i Ålesund vedr. Høyring om ny kyrkjeleg organisering: Müller-Nilssen-utvalets utredning, <https://kirken.no/nb-NO/om-kirken/slik-styres-kirken/kirkelig%20organisering/>

Neste møte: Onsdag 17. november kl. 15:00 (flytta frå den 3. desember)



DEN NORSKE KYRKJA
Sykkylven kyrkjelege fellesråd

Ref.:

Arild Sporsheim

Kyrkjeverje / Dagleg leiar

Sign.: Ellen B. Natvig
Leiar

Sign.: Gaule Støfler
Nestleiar

Vedlegg 1: Kommunalt driftstilskot 2013-2021

Vedlegg 2: Budsjett 2022 – samleoppstilling

Vedlegg 3: Investeringar og vedlikehald i 2020

Vedlegg 4: Investeringar og vedlikehald i 2019

Vedlegg 5: Investeringar og vedlikehald i 2018

Vedlegg 6: Investeringar og vedlikehald i 2017

Vedlegg 7: Investeringar og vedlikehald i 2016


Vedlegg 8: Investeringar og vedlikehald i 2015

Vedlegg 9: Investeringar og vedlikehald i 2014



DEN NORSKE KYRKJA
Sykkylven kyrkjelege fellestråd
Kyrkjevevjerjen

Kommunalt driftstilskot 2013-2021



MERKNAD: Konsumprisindeksen viser at kr. 3 106 400,- til Dnk i 2013 = kr. 3 634 391,- i 2020 (www.ssb.no)

Medlemstal frå www.register.kirken.no

Medlemmar i Dnk:	6395	6324	6267	6198	6159	6074	6013	5979	
Kr. Dnk pr. medlem:	486	464	493	512	516	523	545	522	

Nøkkeltal frå SSB:

1525 Stranda:			762	817	843	903	936	984	
1528 Sykkylven:			509	522	536	518	533	577	
1531 Sula:			546	549	540	531	556	575	
1535 Vestnes:			643	662	700	721	740	784	



Sykkylven kyrkjelege fellesråd
Kyrkjevegen 24
6230 Sykkylven

BUDSJETT 2022 - samleoppstilling

		Budsjett	
UTGIFTER	41 - Kyrkjeleg administrasjon	kr	1 749 779
	42 - Kyrkjer	kr	3 245 536
	43 - Gravplass	kr	1 726 222
	SUM utgifter	kr	6 721 537
INNETEKTER	41 - Kyrkjeleg administrasjon	kr	1 765 779
	42 - Kyrkjer	kr	3 245 536
	43 - Gravplass	kr	1 726 222
	SUM inntekter	kr	6 737 537
Over- /underskot før finans		kr	16 000
15000 Renteutgifter / Låneomkostningar			
15200 Utlån - Kjøp av aksjar og andelar (KLP)		kr	16 000
15300 Dekking av tidlegare års negative resultat.			
15400 Avsetningar til ubundne fond			
Sum finanskostnader		kr	16 000
19000 Renteinntekter			
19001 Andre renteinntekter			
19400 Bruk av ubundne fond - disposisjonsfond			
19500 Bruk av bundne fond			
Sum finansinntekter		kr	-
Resultat		kr	-



DEN NORSKE KYRKJA
Sykkylven kyrkjelege fellelsråd
Kyrkjevevjen

Orienteringssak: Investeringar og vedlikehald i 2020

I 2020 vart det brukt om lag kr. 440 000,- til investeringar og vedlikehald.

Av større ting kan nemnast:

- Diverse smittevernutstyr, begge kyrkjene
- Rep. av kløkketårnet, Ikornnes kyrkje
- Ny varmpumpe (nr. 2), Ikornnes kyrkje
- Rep. av tak, Ikornnes kyrkje
- Rep. av utvendige trapper, Ikornnes kyrkje
- Kjøp av 50 kyrkjestolar, Ikornnes kyrkje
- Orgelstemming og ettersyn, Sykkylven kyrkje
- 2 stk. ekstra bårerativ til bårerommet i Sykkylven kyrkje
- Rep. av kyrkjestolar, Sykkylven kyrkje
- Juletre i plast, Sykkylven kyrkje
- Diverse lydutstyr
- Diverse data- og kommunikasjonsutstyr
- Prosjekt deponiområdet på gravplassen
- Grusing/vedlikehald av vegar, gravplassen
- EL-arbeid på driftsbygninga ved gravplassen

2020 er også prega av soknerådsfinansierte investeringar/prosjekt ved bruk av gåvemidlar og fondsmidlar. Investeringar på om lag kr. 80 000,- har i hovudsak gått til:

- EL-piano i Ikornnes kyrkje
- Videokameraer ++ for strømming av gudstenester (Kyrkje-TV), Sykkylven kyrkje
- Stålskap for lagring av aktivitetsutstyr, Sykkylven kyrkje

Sykkylven, 24.02.2021

Arild Sporsheim
Kyrkjevevje / Dagleg leiar



Sykkylven kyrkjelege fellelsråd Kyrkjevevjen

Orienteringssak: Investeringar og vedlikehald i 2019

I 2019 vart det brukt om lag kr. 400 000,- til investeringar og vedlikehald.

Av større ting kan nemnast:

- Prosjekt E-feltet på gravplassen, flytting av ca. 115 gravminner
- Rep. av kjøleaggregat til bårerommet
- Rep. av utelys ved Ikornnes kyrkje
- Rep. Av kyrkjestolar i Sykkylven kyrkje
- Diverse lydutstyr
- Diverse data- og kommunikasjonsutstyr
- Førstehjelpsstasjonar
- Teleslynge til Ikornnes kyrkje
- Ny varmpumpe i Ikornnes kyrkje
- Nye fastmerker til gravplassen
- Vedlikehald av vegar, gravplassen
- Solda mold og fjerning av stubbar, gravplassen
- Nye søppelstativ til gravplassen

2019 er også prega av ein stor del soknerådsfinansierte investeringar/prosjekt ved bruk av gåvemidlar og fondsmidlar. Investeringar på om lag kr. 1 250 000,- har i hovudsak gått til:

- Nytt kjøkken i Ikornnes kyrkje
- Flygel i Ikornnes kyrkje
- Cembalo i Sykkylven kyrkje
- HMS-utbetringar av stolane i kyrkjekjellaren, Ikornnes kyrkje
- Diverse lyd- og datautstyr

Sykkylven, 13.02.2020

Arild Sporsheim
Kyrkjevevje / Dagleg leiar



Sykkylven kyrkjelege fellestråd Kyrkjevevjen

Orienteringssak: Investeringar og vedlikehald i 2018

I 2018 vart det brukt om lag kr. 115 000,- til investeringar og vedlikehald.

Av større ting kan nemnast:

- Rep. av varместyringa i Ikornnes kyrkje
- Rep. av viftemotor i Ikornnes kyrkje
- Digitalisering av gravkart, gravplassen
- Ny steinklype, gravplassen
- Ny tilhengar til plenklippar, gravplassen
- Rydding og grusing av vegar, gravplassen
- Rep. av ventilasjonsanlegget i Sykkylven kyrkje

2018 er også prega av ein del soknerådsfinansierte investeringar/prosjekt ved bruk av fondsmidlar. Investeringar på om lag kr. 140 000,- som har gått til:

- Digitale infoskjermar (2 stk.) i Sykkylven kyrkje
- LK Hjellev sofaer (2 stk.) i Sykkylven kyrkje, inngangspartiet/våpenhuset
- Bord (5 stk.) i Sykkylven kyrkje, inngangspartiet/våpenhuset
- Oppussing av aktivitetsrommet i Sykkylven kyrkje, kyrkjekjellaren
- Diverse datautstyr
-

Sykkylven, 12.02.2019

Arild Sporsheim
Kyrkjevevje / Dagleg leiar



Sykkylven kyrkjelege fellelsråd Kyrkjevevjen

Orienteringssak: **Investeringar og vedlikehald i 2017**

I 2017 vart det brukt om lag kr. 220 000,- til investeringar og vedlikehald.

Av større ting kan nemnast:

- Ny varmestyring i Ikornnes kyrkje
- Relegging av skiferheller ved utvendig inngangsparti
- Diverse taleutstyr i Sykkylven kyrkje
- Rep. av ventilasjonsanlegget i Sykkylven kyrkje
- Diverse datautstyr
- Digital oppteikning av Sykkylven kyrkjegard
- Ny grasklippar til Sykkylven kyrkjegard

2017 er også prega av ein del soknerådsfinansierte investeringar/prosjekt ved bruk av fondsmidlar. Investeringar på om lag kr. 410 000,- som har gått til:

- Lyddemping av kyrkjestova, Ikornnes kyrkje
- Bygging av scene i kyrkjestova, Sykkylven kyrkje
- Nytt tale- og songanlegg i Sykkylven kyrkje, kyrkjestova
- Nye projektorar i Sykkylven kyrkje, kyrkjekjellaren
- Nytt flyttbart bord til miksepulten i kyrkjerommet, Sykkylven kyrkje
- Montering av lys i klokketårnet, Sykkylven kyrkje

Sykkylven, 19.02.2018

Arild Sporsheim
Kyrkjevevje / Dagleg leiar



**Sykkylven kyrkjelege fellesråd
Kyrkjeverjen**

Orienteringssak: Investeringar og vedlikehald i 2016

I 2016 vart det brukt om lag kr. 310 000,- til investeringar og vedlikehald.

Av større ting kan nemnast:

- Retekking av hovudtaket til Ikornnes kyrkje
- Takarbeid Sykkylven kyrkje
- Ny teletinar til Sykkylven kyrkjegard
- Diverse lydutstyr til Sykkylven kyrkje
- Diverse kontorutstyr på kyrjekontoret

2016 var også prega av ein del soknerådsfinansierte investeringar/prosjekt ved bruk av fondsmidlar. Investeringar på om lag kr. 250 000,- som gjekk til:

- Ferdigstilling av oppussing av kyrkjekjellaren i Ikornnes kyrkje
- Ny digital mixepult i Ikornnes kyrkje, kyrkjerommet
- Nytt tale- og songanlegg i Ikornnes kyrkje, kyrkjestova
- Diverse lydutstyr i Sykkylven kyrkje
- Nye prosjektørar i Sykkylven kyrkje

Sykkylven, 04.09.2017

Arild Sporsheim
Kyrkjeverje / Dagleg leiar



Sykkylven kyrkjelege fellesråd Kyrkjeverjen

Orienteringssak: Investeringar og vedlikehald i 2015

I 2015 vart det brukt om lag kr. 240 000,- til investeringar og vedlikehald.

Av større ting kan nemnast:

- Ny lysstyring m/LED-belysning i Sykkylven kyrkje, kyrkjerommet
- Diverse kontorutstyr (arbeidspult, datautstyr)
- Ferdigstilling av naudlys i Ikornnes kyrkje
- Div. utstyr til Ikornnes kyrkje (varmeovnar, dimmar til lys v/alter)
- Ny vifteinnsats og takhatt til ventilasjonsanlegg i Sykkylven kyrkje
- Ny automatikk til klokkeringinga i Sykkylven kyrkje
- Ny varmtvatnsberedar til Sykkylven kyrkje
- Vasking av glaskuplane (88stk.) i Sykkylven kyrkje, kyrkjerommet
- Ny lyktestolpe ved kapellinngangen (blir ferdigstilt i 2016)
- Maling av driftsbygninga v/kyrkjegarden
- Div. arbeid og utstyr på kyrkjegarden

2015 var også prega av ein del soknerådsfinansierte investeringar/prosjekt ved bruk av fondsmidlar. Investeringar på om lag kr. 308 000,- som gjekk til:

- Oppussing av kyrkjekjellaren i Ikornnes kyrkje
- Fibertilkopling i Ikornnes kyrkje
- Kjøp av digitalmiksar til Sykkylven kyrkje
- Sofaer og bord til kyrkjesal 2, Sykkylven kyrkje
- Garderobeinnredning til kyrkjetorget i Sykkylven kyrkje
- Nytt understell til døypefonten i Sykkylven kyrkje
- Klatrevegg, ribbevegg m/tjukkas til aktivitetsrommet i Sykkylven kyrkje
- Kjøp av mobilt lydannlegg saman med Sykkylven Gospelkor

Sykkylven, 09.02.2016

Arild Sporsheim
Kyrkjeverje / Dagleg leiar



Sykkylven kyrkjelege fellesråd Kyrkjevevjen

Orienteringssak: **Investeringar og vedlikehald i 2014**

I 2014 vart det brukt om lag kr. 210 000,- til investeringar og vedlikehald.

Av større ting kan nemnast:

- Nye trådlause talemikrofonar i begge kyrkjene (grunna krav om byte av frekvens)
- Breiband inkl. EL-arbeid i begge kyrkjene (Ikornnes kyrkje manglar intern tilkopling)
- Større reperasjon av ventilasjonsanlegget på kyrkjekontoret
- Diverse kontorutstyr
- Naudlys i Ikornnes kyrkje
- Materiell til nytt golv, lagerrom Ikornnes kyrkje
- Feilsøking og utbetring av utelys, Ikornnes kyrkje
- Ny belysning i ventilasjonsrom/teknisk rom, Sykkylven kyrkje
- Reperasjon av tak og takstige, Sykkylven kyrkje
- Beplantning i rundkøyringa og ekstra arbeid ved klokketårnet, Sykkylven kyrkje (til dette mottok vi også kr. 50 000,- i støtte frå Sykkylven Rotary og Gjensidige)
- Diverse arbeid og utstyr på kyrkjegarden

2014 var også prega av ein del soknerådsfinansierte investeringar/prosjekt ved bruk av fondsmidlar. Investeringar på om lag kr. 350 000,- som gjekk til:

- Krossutsmykking av Ikornnes kyrkje
- Automatiske dørøpnarar i begge kyrkjene, inkl. kyrkjekontoret
- Endring av frontpartiet i Sykkylven kyrkje (podium)
- Trinn 1 av nytt tale- og songanlegg i Sykkylven kyrkje

Sykkylven, 04.02.2015

Arild Sporsheim
Kyrkjevevje / Dagleg leiar